



Broj: 11-05-38-28779-1/14
Sarajevo: 01.12.2014.godine

**FAKULTET ZA KRIMINALISTIKU, KRIMINOLOGIJU
I SIGURNOSNE STUDIJE**

n/r Prof. dr. Nedžad Korajlić, dekan
ul. Zmaja od Bosne br. 8
71000 Sarajevo

03. 12. 2014.

02 4437

PREDMET: Izjašnjenje na upit, *dostavlja se*

VEZA: Vaš akt broj: 01-01-4141/14 od 12.11.2014.godine

Poštovani,

u vezi sa Vašim aktom broj: 01-01-4141/14 od 12.11.2014. godine Ministarstvo za obrazovanje, nauku i mlade Kantona Sarajevo, nakon izvršene analize odredbi Zakona o visokom obrazovanju („Službene novine Kantona Sarajevo“ broj: 42/13-Prečišćeni tekst) i Odluke Vlade Kantona Sarajevo o davanju saglasnosti na participaciju cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu broj: 02-05-19288-9/09 od 11.06.2009. godine, cijeni nespornim postojanje zakonske obaveze **redovnog studenta** koji se finansira iz Bužeta Kantona Sarajevo i koji obnavlja studijsku godinu, da plati odgovarajuću naknadu kada ponovo izlazi na završni i popravni ispit iz nepoloženih predmeta.

Dakle, odgovarajuća naknada u smislu člana 73. stav 6. Zakona o visokom obrazovanju *predstavlja naknadu koju je student obavezan platiti nakon što obnovi godinu studija i plati propisani iznos* (nakon što plati 200,00 KM-shodno tački I, alineja 24. Odluke Vlade Kantona Sarajevo i nakon što plati iznos koji se uplaćuje prilikom obnove godine studija **do 100,00 KM** za svaki nepoloženi ispit iz studijske godine koja se obnavlja shodno tački VII Odluke Vlade Kantona Sarajevo).

U smislu naprijed navedenog, za pravilno razumijevanje važeće zakonske i podzakonske regulative u situaciji koja je tretirana Vašim zahtjevom, izuzetno je važno praviti razliku između:

- a) obaveze uplate upisnine prilikom obnove godine studija i dodatne uplate za broj nepoloženih ispita i
- b) obaveze uplate odgovarajućeg iznosa naknade prilikom svakog ponovnog izlaska na završni i popravni ispit iz nepoloženih predmeta.

Vrijeme nastanka obaveze za studneta u naprijed navedenim slučajevima je različito, jer obaveza pod tačkom a) nastaje i izvršava se u trenutku obnove godine studija, dok obaveza pod tačkom b) nastaje u toku studijske godine odnosno prilikom svakog ponovnog izlaska na završni i popravni ispit iz nepoloženih predmeta.

S obzirom na činjenicu da se radi se o dvije različite vrste naknada kao finansijskih obaveza studenta, nesporno je da ne može postojati obaveza studenta na uplatu odgovarajućeg novčanog



iznosa za svaki ponovni izlazak na završni i popravni ispit iz nepoloženih predmeta u trenutku upisa odnosno obnove godine studija, jer se provjere znanja ne vrše u vrijeme početka odnosno obnove studijske godine. Uplata za svaki ponovni izlazak na završni i popravni ispit iz nepoloženih predmeta može nastati samo u toku studijske godine, a u skladu sa propisanom dinamikom održavanja ispitnih rokova.

Analizom Odluke Vlade Kantona Sarajevo broj: 02-05-19288-9/09 od 11.06.2009. godine može se utvrditi da Vlada Kantona Sarajevo predmetnom odlukom *nije utvrdila visinu naknade koju redovni student čije se školovanje finansira iz Budžeta Kantona Sarajevo plaća prilikom svakog ponovnog izlaska na završni i popravni ispit iz nepoloženih predmeta.*

Nadalje, skrećemo Vam pažnju da tačka VII odluke Vlade Kantona Sarajevo spominje samo „studenta koji obnavlja godinu studija“ i ne pravi razliku u pogledu statusa studenta, što znači da se odnosi na studenta koji obnavlja godinu studija bez obzira da li se radi o redovnom studentu koji se finansira iz Budžeta Kantona Sarajevo ili redovnom samofinansirajućem studentu.

S poštovanjem,



Dostaviti:

1. Naslovu
2. a/a



web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

